

《續修四庫全書》編纂委員會編

續修四庫全書

上海古籍出版社

四六八・史部・詔令奏議類

萬曆疏鈔五十卷（卷一至卷十九）〔明〕吳亮輯

.....一

萬曆疏鈔序

疏鈔自昔有傳而傳自近今則俱遺事或難之其說有三曰招君過而不隱也曰彰國失而不諱也曰逢被言大小諸臣之痺怒恐毒痛怨恨及其子孫而莫可以贖也昔者龜山先生語鄒忠公子弟亦謂忠公舊有彈射諸疏草當慎其傳恐權奸儉佞有存而見者夫忠臣事君見無禮者如鷹鷂之逐鳥雀既不違爲身圖又寧違爲後人圖且諸疏既上之朝邸抄達之天下雖欲勿傳又烏得而勿傳惟是慎傳之意應不徒欲避咎遠禍或在隱惡掩過以忠厚惻怛待天下而

疏鈔

序

子貢則謂君子之過如日月之食過也人皆見之更也人皆仰之人不幸有過惡與天下共見之共知之共改之是之謂君子之道以謬迷在一時而警省在終身愆尤在一人而懲戒在天下如終身有警省則一時之謬迷何必曲爲之揜護而揜護一時之謬迷反無以開終身警省之端如天下有懲戒則一人之愆尤何必多爲之忌諱而忌諱一人之愆尤反或以阻天下懲戒之路由前棄人于權奸儉佞之歸由後不絕人于賢人君子之路由前以忠厚惻怛待人淺由後以忠厚惻怛待人深然則疏鈔之不

疏鈔

序

傳是或一道疏鈔之傳亦或一道也
昔者孟子之言曰王者之迹熄而詩
亡詩亡然後春秋作春秋之作存王
迹于既熄爲天下萬世慮至深遠余
常不得詩亡之意近得友人發明其
言曰春秋直道也春秋之是非詩人
之美刺也盛王之世善善惡惡無一
不公諸天下而與天下共善之共惡
之而尤恐耳目日壅過惡不聞于是
而有採詩觀風之教使商旅工瞽得
獻其忠法家弼士得申其議見于雅
頌者若歎瞻烏之爰止憂崇周之覆
滅言之曾無所忌甚則曰家父作誦
以究王誥尹士稟父輩皆明列其名

不怨蓋直切如此故上下能相保以
不敗迨其後也有射諫臣監諂者而
國人至道相目莫敢言矣卽忝離之
大夫不過曰知我者謂我心憂不知
我者謂我何求蓋敢私憂而不敢頌
言也謂之何哉嗚呼此春秋之作所
以續詩亡者乎蓋直道行而人各有
疏鈔

疏鈔

序

四

詩直道不行而聖獨有經其善善惡
惡使聞者知戒懼者知悛直不欲棄
人于權奸儉佞之歸而待天下以至
誠惻怛之意故曰春秋成而亂賊懼
蓋萬古之紀言紀動者崇焉然則疏
鈔之不傳將爲亡詩之續疏鈔之傳
亦春秋之遺意也太茲刻自萬曆初

迄今三十六年七月止嗣後昌言登
庭姑少需之以俟論次刻而傳之老
吳君采于名亮辛丑進士直言讜論
彈射不避權貴稱名執法能世復菴
先生之傳云

萬曆己酉冬十月穀旦

前福建道監察御史昆以錢一本書

疏鈔

序

萬曆疏鈔序

國家之患莫大於壅壅者上下各
判之象也是故大臣持祿不肯言
小臣畏罪不敢言則壅在下幸而
不肯言者肯言矣不敢言者敢言
矣究乃格而不報則壅在上幸而
下則上孤壅在上則下孤之二者
皆大亂之道也伏見

皇上聰明睿知方軌三五然而極
以來三患遞見何也說者以爲下
不自壅殆有爲之上者然上不自
壅殆有爲之下者然邇丁丑綱常
諸疏政府不欲宣付史館遂遷怒
於執簡諸君嗣是愈出愈巧率假

留中以泯其跡令言者以他事獲罪不以言獲罪至於邇年且欲并邸報禁之其故可知已乃壬午一變公道屈焉而忽伸戊申再變公論鬱焉而忽暢又足以發明我皇上之果未嘗有負於天下天下之果未嘗敢有負於

疏鈔

七

皇上卒之伸者仍屈暢者仍鬱又足以發明致壅之由根深蒂固非一時所得而猝拔宜乎論世君子俯仰江陵四明之間益不能不三太息也予友采于吳子自少承尊甫復菴先生庭訓磊落有志操既徵爲御史朝拜官而夕抗疏直聲大

著巡方之暇蒐輯三十年奏議若干牘分若干卷凡先後留中與密路所不欲錄於世者悉付剞劂予公而有感焉故比肩纂輯客容者雖肉食也一夫慷慨言之語之不曰奸名則曰賊進矣均建言爾

犯

疏鈔

八

乘輿遽者十七犯要津者十九以君子或小人曰何刻也不爾影響風聞者也以小人摘君子曰何快也烏有者在左矣愚誠不知其所以然而然徐而察之顛倒于當局而旁觀否諍訛于衣冠而道路輿所否諍于大庭而平旦隱衷否諍

予眉睫而事定否愚又不知其所
以然而然於此可以稽世變可以
觀人心可以卜士氣可以叅善敗
得失之幾昭往而惕來采予之功
遠矣抑予更願有獻焉李忠定曰
天下之理誠與疑明與闇而由
誠明推之可以至於堯舜由疑闇

疏缺

元

推之其患將不可勝言願以是爲
皇上獻求所以至於堯舜者蘇文定
曰天下有重臣有權臣權臣天下
不可一日有而重臣天下不可一
日無也願以是爲執政獻求所以
爲重臣者至於言官操天下之是非
天下又操言官之是非蓋言之

不可不慎如此也願以是爲臺省
獻求所以信於天下者太初鄭子
聞之喜曰顧叔子之言其究弊也
專而確得拔本塞源之義矣其責
善也曾而公得交修共濟之義矣
率斯以往天下直運之掌耳夫何
壅之與有遂以語采予采予曰是

疏缺

十

固予輯是編之意也

萬曆己酉冬十一月穀旦

南京光祿寺少卿前吏部文選司

郎中梁溪顧憲成撰

萬曆疏鈔叙

今皇帝臨天下久耆宿名德厯有任者守經據古危言覈論之臣投鼠器探驪珠不安其位久遜于荒後進無所稟承紛然殽亂莫由取衷而練

朝章通國體者殆少是鈔其自

疏鈔

十二

上續服訪落迄乎今茲凡諸臣封事若干篇幾百萬言而離其目爲五十蓋亦四十年朝野得失之林也然以余觀于四十年來大都有三變焉嘉靖末執政墨而善阿邑固寵羣蟻附羶濁亂天下自壬戌至今皇帝凡十年而歷三朝矣代者或

尚清靜獎恬退而不無空談廢實之弊或輕喜怒急紛更而遂致太剛則折之患於是執政綜核名實繩下如束濕薪家耦國權震主其知深而勇沉偵矚者不得要領吠聲射影蔓衍株連其訑訑言貌距人千里之外其極慘礪少恩此一

疏鈔

十三

變也言路之塞塞在驕倨而專恣上益明習國事不欲倒授人太阿柄而執政無一介不取三公不易之節以厭衆望而又懲駭乘前車多都俞鮮吁咈

上既無所適於心見以爲馴謹而時訕言者以狗之內不沾洽外示包

容強笑語相下而陰實牢籠之中
外章蒲公車謹孫謝觸聞罷而已
此一變也言路之塞塞在泄沓而
靡靡

上久廢郊廟朝講厭薄大小臣不卽
除諸署鞠爲茂草奏入不答常十
九而舞智御人者因以爲利曰默

疏鈔

三

足容也諫愈磯也遇主于巷可耳
麤翹不急爲而靜正伏言何在人
不適政不間而格非心何日橫政
橫民悖出悖入怨歸于上而下逃
其責此一變也言路之塞塞在眊
眊而巧匿人心世道譬諸質正獲
之問於監市履狶也每下愈況不

邇其源則頽波不可挽不緣其督
則藥物不可投四十年中情僞微
暖事勢鼎革按是鈔而約畧得之
予以轉移人心祛詖淫邪遁之害
綱維世道歸平康正直之路良有
藉賴矣我思古人忠愛無已反覆
必聽則趙晉之懷牘范鎮呂誨王

疏鈔

十四

拱辰之累奏舍已從人同心僇力
則歸登之附名崔植劉覃之更疏
梁燾劉安世之交攻多蓄前言斟
酌時宜殷鑒柯則事在不遠則侯
霸收遺文條善政呂祖誨趙汝愚
集名臣奏議是鈔也意儻在是乎
意儻在是乎刻成謹綴數語以識

歲月

萬曆己酉冬十二月既望

巡按宣大監察御史吳亮采于甫書

疏鈔

十五

選刻姓氏

金沙 景素子孔兼

毘陵 啓新錢一本

錫山 涇陽顧憲成

毘陵 玄臺薛敷教

荆谿 玉池史孟麟

錫山 景逸高攀龍論次

姓氏

荆谿 中湛陳子廷

毘陵 嚴所吳亮叅校

萬全都司儒學 教授李廷光 訓導劉好謙 對同

萬曆疏鈔總目

第一卷	聖治
第二卷	聖德
第三卷	國本
第四卷	政本
第五卷	綱常
第六卷	國是
第七卷	臣道
第八卷	民瘼
疏鈔 總目	
第九卷	史職
第十卷	言路
第十一卷	省規
第十二卷	臺憲
第十三卷	時務
第十四卷	褒忠
第十五卷	援直
第十六卷	起廢
第十七卷	懲貪

第十八卷

第十九卷	糾邪
第二十卷	闡宦
第二十一卷	銓政
第二十二卷	察典
第二十三卷	用人
第二十四卷	飭吏
第二十五卷	財計
第二十六卷	糧儲
疏鈔 總目	
第二十七卷	錢鹽
第二十八卷	屯馬
第二十九卷	礦稅
第三十卷	朝講
第三十一卷	陵廟
第三十二卷	宗藩
第三十三卷	修省
第三十四卷	制科
第三十五卷	崇儒

第三十六卷	謚典
第三十七卷	戎務
第三十八卷	邊防
第三十九卷	邊餉
第四十卷	邊功
第四十一卷	遼建
第四十二卷	滇黔
第四十三卷	東倭
第四十四卷	噶播
疏鈔	總目
第四十五卷	明刑
第四十六卷	弭盜
第四十七卷	河漕
第四十八卷	水利
第四十九卷	工商
第五十卷	上書
總目畢	

萬曆疏鈔卷一	聖治類
陸樹聲	敬獻愚思以隆聖治疏
李 棣	一政令以隆聖治疏
余懋學	陳五議以襄化理疏
傅應禎	陳膚議以光聖治疏
管志道	乞稽祖制以恢聖治疏
孟一脈	覃皇恩以光聖治疏
魏允貞	條陳救弊四事以弘治道疏
王士性	敷陳天下大計以光盛治疏
目錄	卷一
孟一脈	急救時弊以圖萬世治安疏
范 偶	恭陳膚議以新治化疏
姜士昌	直陳治體以裨聖明疏
張 岳	恭進交儆之謨以隆聖治疏
海 瑞	一日治安天下疏
吳達可	乞勤政學以隆治安疏
馮從吾	乞勵精以圖萬世治安疏
于玉立	乞勵精改圖以救禍亂疏
丁元薦	乞更化以光中興疏

陳于陞 披陳時政以光治理疏

呂 坤 直陳安危禍福以保萬年永祚疏

許弘綱 亟通庶政以保治安疏

李三才 歷陳國勢病由以保天下疏

王元翰 直陳受病之由以光贊聖政疏

李三才 聖政通而忽滯請破機關終盛治疏

曹于汴 乞發章奏決用舍以成盛治疏

蕭近高 乘時發政以臻治平疏

李三才 極陳國家治亂大關疏

目錄

卷一

二

王元翰 乞採公道以固社稷疏

陳宗契 乞御朝用人省言撤稅以隆盛治疏

馮奕垣 亟反弊政以圖治安疏

李三才 直陳三事大義以裨聖治疏

康元積 敬陳保泰之謨以新聖治疏

史學遷 朝政日非乞亟悟改行疏

蕭近高 擴聖度通國脉以維世道疏

李光輝 國家危亂已兆朝政壅蔽猶仍疏

湯 濤 邊陲艱難有謹陳利弊以圖安攘疏

萬曆疏鈔卷二

聖治類

敬獻愚忠以隆聖治疏

陸樹聲 禮部尚書 萬曆元年十二月

竊惟方今之務莫要於聖學 臣 嘗入侍經筵仰見

皇上睿哲聰明孳孳嚮學古所未見而密勿大臣繪

圖立說因事效忠誠有以端聖功之本矣但 臣 愚以

爲學之爲道本無限也見聞日廣則義理愈見其難

窮知慮日開則趨向愈見其難定況法筵之上宸嚴

所臨或一時敷對未詳則記憶豈能周悉宜再推廣

德意令史臣採摭經史凡聖賢之懿訓可爲法戒及

本朝列聖創守之宏規繼述之大烈著爲謨訓者曩

括其辭節畧其要如宋儒孫奭之上徽言范祖禹之

進帝學輯成進御以便省觀亦 聖學緝熙之一助

也然學以修德德在慎身 臣 愚尤望 皇上思此身

爲天地民物之主而一食息起居必遵常度念大位

爲祖宗付託之重而一發號施令務當人心孝養愈

茂於兩宮心思常徹於九有任賢而始終不貳從諫

而猶直皆容道已至而常虛望道之懷世雖恭而恒切保泰之念則聖學光明德日新而治化益隆宗社萬年之基端在是矣然愚芹曝之誠尤不止此臣聞益之告舜曰罔失法度夫以儆戒無虞之道而首於法度言之豈無謂哉蓋世際承平人情易弛雖聖如大舜治如有虞而法紀之守亦自有不容不嚴者臣竊見祖宗立法纖悉委曲皆有深意二百年來治平無事大綱非不振矣而節目漸淪或視為細故而以通融為無傷或便於徇情而以因循為得體間

此欽

聖治

二

有拘執者則眾以為苛刻而共議之不知法之廢也始於細微而成於沿積小不守則至於大漸不可長矣宜令諸司查照祖宗舊典一一上請申飭即在纖悉務令舉行毋安故常以滋玩愒此法紀之所當嚴者也諸司政令所以明職掌以一法守也今事例多端條格不一或乍經建白而旋復改更或見在施行而隨即寢革夫輕於定令則下難遵承煩於立例則弊多出入徇時情者得借以援引肆臆見者或任其推移甚非所以示畫一也宜勅下部院司府凡

見行事例通行酌議去煩就簡申明裁定以便遵承此政令之所當上者也士風者世道之元氣士風正則禮義興而治道因之數年以來士習漸乖騖聲利者巧於趨時悅紛華者安於徇俗學專口耳而畧身心事尚周圓而鮮卓犖號通財資詭隨以濟用稱任事務誇大以炫名或貌順而心懷異同或外合而中藏懷伎如斯類者萬全有之雖當聖作之期戒諭諄切一時漸改觀聽而革心之化未遽夫朝廷有教化而後四方有風俗本原倡率之地不當加之意乎臣

疏欽

聖治

三

愚以為宜抑奔競以厲廉隅黜虛浮以敦長厚通行儆勅明示嚮防此由風之所當正者也民惟邦本本固邦寧未有民生不遂而可以稱善治者今生齒庶繁民力凋耗譬之堂宇飭而杆軸空虛革完而脂膏竭昔年赴召道途所經自江淮以北歷齊魯畿輔咽喉之地見差役繁重民多流徙不勝困窮兼聞吳越閩廣山陝諸處或放於征徭或困於兵賦民窮財窘所在皆然更非不知民隱然欲施賑貸則倉廩不繼欲事寬卹則逋歛難蠲德澤不宜民困何由而甦

宜勅下廷臣各陳裕民長策務求實惠毋事虛文該司酌議條列呈裁通行撫巡責成守令必使民生咸遂不徒粉飾治平此國本之所當念者也財用經國大計其損益自然之數不在民則宜在官今賦歛之歲入有常政令之蠲除不下財用調度亦甚密矣然太倉之粟未腐內帑之貫未朽而下無藏富之民上有竭澤之慮此不可不求其故夫江河不能實漏卮欲足國用必先節節故止不急之營建則濫用舒裁未時之賞賚則浮靡抑約內外之供億則奢泰斥

疏鈔

聖治

四

禁姦墨之漁蝕則培元止斯非足國之要歟至於錦衣官校監局匠作軍伍之鬻占厨役之替補冒濫冗食積弊相沿又不可不嚴爲覈汰也先臣韓文在戶部奏會計疏格目謂宜究浮約之故以酌豐儉計出入之數以定經費使財用虛實一覽曉然其在於今尤不可缺此財用之所當議者也建宗封以爲藩屏祖宗訓制明矣今支庶日蕃賦入不給人多祿少艱窘孤貧所在踰城越關者屢經送發不能禁止議者以爲宜限爵祿及子子之數然過於裁抑則恐至傷

恩爲之變通則委於無術將來勢窮弊極有不可勝言者矣宜查據該部近年奏行條例中間或約束太嚴而所當通融或區畫未盡而所宜酌處者通行奏乞裁定以永遵依至於欲慎輔導則長吏教授等官宜稍加銓擇賢能者其體陞敘毋委之閒廢以責其輔導之實仍於臬司憲臣中擇其職事稍簡者請勅兼理宗室事宜凡事由長史司申呈撫按委行覆查方與奏請庶下無抑勒而越例奏瀆者或少也非權宜之一端乎此宗藩之所當議者也自貢議成而

疏鈔

聖治

五

外夷納款求市疆場安而歲省調發有明效矣然邊圉無警則偷惰易生虜情難厭則向背莫測休兵日久則戰陳不習市易往來則禁防或疎如宋臣富弼所謂目前恃以無恐將來將不知兵兵不習戰者不可不爲之慮也宜內乘閒暇以修戰守之宜外察虜情以施撫馭之術戒主帥之數易嚴士卒之訓練偵東西夷分合之故以携其糾聚聯各邊鎮臂指之勢以厚其聲援而又申嚴七鎮增修捌事以時稽其實此邊防之所當議者也國家財賦全仰河漕通歲一

功修而運道通漕政舉矣然黃水之潰決無時河渠之通塞難料天時之饑穰不一每常春夏運艘大集嚴於催督則商旅不行萬一歲事不登徵發稍後或河流阻滯致稽期會加以治河夫役十二總漕卒罷悴歲無息肩而隄防之修培運船之補造歲費不迭不無軫當事者之慮聞之先臣丘濬建議欲水陸並運及兼行轉般之法夫陸運費鉅不可行矣乃河漕可常恃也不可不權其變也海運不可恃也亦不可全廢也轉般支兌可兼行也不可執一也視時豐歉

疏鈔

聖治

六

因勢變通在司國計者宜權其便矣此漕運之所當議者也又臣備員禮官竊詳國朝郊廟之制國初因儒臣草創之議二丘分祭後定合祭之禮矣至世宗皇帝采言官之議復主分祭當時與議諸臣有謂祀地北郊禮不經見或謂禮行於郊而百神景從不當日月配天者其言似若有據國初廟祀始建四親廟已建太廟準九廟之制矣至世宗皇帝創定大禮尊二祖以表功德列羣廟以序昭穆特建世廟以奉睿宗已復祔享於大廟說者謂因情起義全專享之尊

而不失昭穆之序則世廟爲安二者皆典禮之大非臣下所敢輕議方當稽古右文之世正禮樂明備之時觀會通以定一王之典垂萬世之法其在今日不識可徐爲之議乎凡是數者今大臣之所謨謀侍從之所獻納臺諫之所論列聖心常加意而延納之矣又何假於臣言但臣衰殘餘齒恐溘先朝露圖報無由故不揣疎陋冒昧上陳固知塵露無裨於高深庶幾芻蕘可備於採擇伏惟聖明留意

疏鈔

聖治

七